

دائرة مخصوصه

درسعادتده باب عالی جوارنده

محل اداره :

مشرط القلم

اخطار :

مسلكمزه موافق آثار جديده مع الممنونه قبول اورانور

درج ايندلهين آثار اعاده اورانور

دينه، فلسفه، علوم، حقوق، ادبياتده و سياسياتده و باطاحه كرك سياسي او كرك اجتماعي و مدني احوال و مشوره اسلاميه در بحث ايدر و هفته در نشر از انور.

آبونه بدلی

صاحب و مؤسسری :

درسعادتده نسخه سی ۵۰ پاره در

ابوالعلا زين العابدين - ح . اشرف اديب

سنه لکی التي آيلنی

ممالك عثمانیه ايچون	۸۰	۴۰	غروش
روسيه	»	۶۵۰	۳۵۰ روبله
سائر ممالك اجنبیه	»	۱۷	۹ فرانق

تاريخ تأسيسی

قيرله دن مقوا بورو ايله کوندريليرسه سنوی
۲۰ غروش فضله آلير

۱۰ تموز ۳۲۴

ایدرم و بوکا مجلس مبعوثان تسمیه سی ایچون بر تکلیف واقع اولور ایسه اکاده موافقت ایدرم .

بومذا کراتدن صکره قرار نامه ده کی امتک حکومته مشارکتی تعبیرلری طی اولسنه رق (مجلس مبعوثان تاسیسی ایچون بر قانون حاضر لائمی) صورتیله تصحیحات اجرا ایدلمش و تعییرات سائرده یاپیلان جزئی تعدیلات ایله قرار نامه شوشکلی آلمشدر :

« اداری و مالی هر درلو امور داخلیه ده و شئون محلیه بی تدبیر ، و اهالی به تطبیق اولنه حق قانون و لایحه لری تقریرده و معاهدات دولیه و قونسولسلر امتیازاتنه و دیون عمومیه و تصفیه انجمنی قانوننه و اوروپا لیره تعلق ایدن مصالحه و واجب الاحترام اولان حقوقلرینه و دولت علیه عثمانیه و ویریه جک ویرکویه و حکومتک قانوناً مجاز اولمق صورتیله مربوط بولندینی تعهدات و اتفاقلره حائز تأثیر اولماق اوزره ویرکو و رسم وضعنده رأی قطعی صاحبی اوله حق خدیویه مخصوص بر مجلس مجلس مبعوثان تاسیسنه دائر بر قانون تنظیمتک و بو قانونه انتخاب نظامنامه سنی تعدیل و عدد اعضایی امته و کالتی تحقق ایتدیره جک مرتبه به ابلاغ ایدر بر قانون تردیفنک حکومت خدیویه دن طلب اولنسنه قرار ویرلدی » اشبو شکل معدلک قرائتی متعاقب رئیس ؛ نظار ایله مداوله افکارده بولندقدن صکره :

— مجلس مبعوثان ایسته نلسنه اکثریتله قرار ویرلدی .

اعضا — اتفاق ایله اتفاق ایله .

رئیس — نظاردن ماعدا .

سعید پاشا — (رئیس النظر) سزکله برابر دکلز .

اباطه پاشا — نظاردن ماعدا اتفاق آرا ایله یازلسون

عیسی نواربک — انتخاب قانونتک تعدیلنه لزوم کورمام

رئیس — احوالده قرار اکثریتله در .

اشبو قرارنامه حکومت اجرا نیه به تودیع ایدلمش و رئیس النظرک غزته مخابرلرینه وقوع بولان بیاناتنه نظراً حکومتک بوطلب مشروعی ترویجه متمایل بولندینی آکلاشمشدر .



ژاپونلر و عالم اسلام

بر نیجه سنه لردن بری ژاپون قومی عالم اسلامیه دقت ایدوب عالم اسلامیه میل کوستردکلری کورولیور . ژاپون قومی چالشچی ، هر ایشدن استفاده ایدیچی ، هر ایشک عاقبتی کوزل فهم ایدیچی ، حکمت و حقیقت سویچی بر قوم اولدقلرندن آنلرک اسلامیه مائل اولوب تعلیمات اسلامیه بی تحقیقه میل ایتلمی حال وزمان ایجابنددر . ژاپون قومی اسکی اصول اداره بی دفعه سیدلکوب آتهرق اصول اداره جدیدی قبول ایتدکلرندن کچمش عصرلرده اوروپاده ، حال حاضرده روسیه ده اولان مدهش قانی فلاکتلردن ژاپونلر مصون قالیور . ژاپونیانک شمیدیکی حکمداری (میقادوسی) حکومت باشنه کچدیکی زماندن اعتباراً قرق سنه دن آز برمدت ظرفنده ، بیوک صنف اهالیدن باشلایه رق اشاغی صنفله قدر ، اهالی ایله ال برلکیله

اصلاحات جدیدی بر اغورده قبول ایدرک اوروپاده اولان علوم و صنایعی مملکتلرینه سرعت فوق العاده ایله نقل ایتدیلر و حتی بعض خصوصاتده استاذلری اولان اوروپا لیری حیرتده براقه حق درجه ده توسیع ایتکه موفق اولمشلردر .

ژاپون قومنک بوموفقیتی تاریخ صحیفه لرنده پارلاق صورتده اخذ موقع ایده جکدر ، زیرا کرک ام ماضیه مدنیتده ، کرک ام حاضره مدنیتده ، ژاپون قومی ایچنده اولان مدنیت قدر چابوق ترقی ایدن ، وبتون اهالی اتفاق ایدرک ال برلکیله وکمال خواهشله یکی مدنی قبول ایدن هیچ بر قوم کورولمش دکلددر .

کرچه ژاپونیانک حکمدار حاضری (میقادوسی) ایکنجی بر سلاله به منسوب حکمداردن زمام امور حکومتی کندی الینه کچیرمک ایچون داخلی محارباتده بولوندی ؛ فقط امور اداره دولت او وقت کنج اولان بو حکمدارک یداداره سنه کچدکن صکره اهالی بو حکمدارک تاسیس ایتدیکی اصلاحات جدیدی علی الرأس والین قبول ایتدی و بوسیله مملکت ایچنده تبدیل حکومت کی بیوک تبدلاتدن حاصل اولاجق عداوت ژاپون قومی ایچنده آتسه یاقلمش شیار کی محو اولوب کیتمشدر . بویسه بویکی کنج حکومتک استبداددن ال ییقامسندن ایلرو کلمشدر .

ایشته ژاپونلرک بوموفقیتی عالمده مثلی کورلمش بر موفقیتدر . بویسه ژاپون قومنک طبعی هر شی ده ابتدادن فائده بی ، حکمتی ، حقیقی قبول میال اولدیفنی کوستریور . ژاپون قومی باشلاقلری ایشی ناتمام بر اقادقلری ، کچمش اون سنه دن زیاده رک وقت ظرفنده اولان حرکتلرندن معلوم اولمقددر .

[قارئین کرام ، بومقاله بی او قودقلری وقت بر آرزوعلری اولمالرینی تمنی ایدرم ، چونکه مقاله اولا ژاپونلرک عالم اسلامیه میال اولدقلرندن باشلاوب چین ، ژاپون ، روس محارباتنه قدر ایلریشدر . بویسه ژاپونلرک حال و حرکتلرینی بیان صره سنده الکلام بحر الکلام قیلندن واقع اولمشدر .]

کچن اون سنه ظرفنده ژاپونلرک قوجه چین حکومتی خواب غفلتدن او یاندیرمق طریقنی مسالک اتخاذا ایتمشلردی . اولا ژاپون حکومتی کندیکنک بیوک دیپلوماتلرندن « مارکی ایطو » واسطه سیله چینلیری نصیحت طریقله ایقاز ایتک ایسته مشلردر . « مارکی ایطو » ایسه ژاپونیانک برنجی سیاسیونندن ایدی . ژاپونیا حکومتی بو ذاتی فوق العاده مرخص صفتیله چین سراینه کوندرمشدی . « مارکی ایطو » چینلیری تنیه یولنده چین و زراسی و سرای مأمورلریله نیجه آیلر چالشمش سده ۳۰۰۰ سنه دن زیاده خواب غفلتدن باش قالدیرمیان جبار ، متکبر چینلیر ژاپونلرک نصیحتنی قبول ایتیوب رد ایلشلردی . فقط ژاپونلر مسالک لرنده دوام ایدرک چینلیری تنیه ایچون سلاحه صارلدیلر ، چینک تحت حکمرانیسنده اولوب امتیازلی ولایتی بولنان قوره به عسکر سوق ایتدکلرینی کورنجه چین حکومتی باشی قالدیره رق بویله کستا خلق ایدن ژاپونلری مملکتندن قوغمق مقصدیله

فوق العاده برجديتله چالشمشله ، هر نه يه مال اولور سه اولسون ، روسيه ايچون بر آچيق ليمايك الله ايدملك پوليقيهي قورولديني سويله نمكده ايدى . اما بو آلداديچي ليمايك ده ژاپونلرك چيندن ضبط ايتديكي «پور آرتور» ليماي ايدوكي ده سويله نيور ايدى . ضبطي تصور ايديلان بويكي ليمايك «ولادى ووستوق» خطندن اعتباراً موقدهن ، لدوپان شهرلرندن كچر بر تيمور يول خطيله ربط ايدلسي تحت قراره آلديني بو يولده لازم اولان باره استحصالي جناب ويته التزام ايدليك ده سويله نيور ايدى . ايشته بو پوليقيهي قوه دن فعله چيقارمق ايچون ، چين - ژاپون واقعه سي موفيتلي بر تصادف اولديغندن اثناي مشاوره ده روسيه ديپلوماتلري چين حكومتندن تأميناته قريب وعدار آلدقارندن روسيه ديپلوماتلرينك طلبني چينك او وقتده كي پوليقيهي امورنده وقوفلى ، نازك ، تدبيرلى ديپلوماتى اولان اختيار ليخونغ چانغ يك عجله قبول ايله مش وبونكه برابر ليخونغ چانغ قوره يه ده استقلاليت ويرمه يه موافقت ايلشدر .

او وقت عالم سياست «ليخونغ چانغ ، امور سياستده غفلتندن ، چيني روسيه نك آغزينه دوشوردى» ديه حكم ايدىوردى . لكن عاقل ، مدبر ، اختيار ديپلومات توزاغى (آغى) روسيه - ژاپونيا ايچون قوردىغنه قانع اولوب ، بودقيق تدبيرندن عالم سياستك خافل بولونمىندن اختيار ليخونغ چانغ تبسم دن خالى اولما مشدر ظن ايدهرم . ليخونغ چانغك فكريجه ، اكر روش امور روسيه نك مرضيسنه موافق اولور ايسه ژاپونلري لياؤطونغ شبه جزيره سندن چيقارمق ، آنلره قوردهن پارماق مقدارى طوپراق ويرمه مك لازم كليور ، بوقدر فداكارلقلره ضبط ايلدكلى محلدن مقاوله موجي ژاپونلر چيقارلقدن صكره آنلرك خانى اوله رق او يرلري خارجدن كلوب روسيه ضبط ايدرسه روسيه ايله ژاپونيا آراسنده ييتمز توكنمز عظيم اختلافلر ميدانه چيقاغننه چينك بصيرتلى اختيار ديپلوماتى قانع ايمش ژاپونلرك چينله محاذبه دن بر مقصدلري ده قورده يي ضبط اولديغندن ، قوره ايسه روسيه ايله هم حدود بولنديغندن ؛ ليخونغ چانغ روسيه ايله ژاپونيا آراسنه اختلاف براتق مقصديله ، قوردهن قطع علاقه ايدهرك استقلاليت ويرمه يه راضى اولمش ، ثمره اختلاف نزاع اولان زواللى قورده يي ، قوره ايمراطوراني ماسك سيله روس و ژاپون آراسنه آلمشدر .

چين و ژاپون مصالحه سي اثناسنده روسيه ديپلوماتلري اكثري چين دن طرف اولمشلردى . ديكر دولتلر ديپلوماتلريده كندى دولتلري منافعي اونوتما مشلردر . ژاپونياه ديمشلكه : سن ده كيزله محاط جزيره لده معيشته آلمش سك ، اختيار آنا طوپراغك هواي ياسي سنك ايشكه يارماز . بناء عليه اختيار والده حضورندن سنك چكيلمه ن اقتضا ايدر ، سنك ايچون فورموز آطه سي موافقدر . آل ده چكيل ، بونكه برابر چين حكومتندن بر مقدار مصارف حربه آل .

ديه جسور و غيور ژاپونيانك غيرت و جسارتى كسر ايدهرك ،

كندى رايلرنجه غاليتى مقرر اولان عساكر غير منتظمه سيله ژاپونلره قارشو چيقدى . دها برنجي دفعه مقابله عسكريه واقع اولور اولماز چين عسكرى فرار ايله ديلر . بوسفرده ژاپون اردوسي اوچ نقطه دن حركت ايتديلر : بر قول روسيه - ژاپون محاذبه سنده جنرال قوروكنك يوروديكى يولله يورويوب يالو نهريني كچدى و «فين خوانچين» شهريني ضبط ايله چين پاى تختى اولان بكين شهرينه متوجه اولدى . ايكنجى قول عسكرايسه دكزدن كلوب «دالنى» ، «پور آرتور» ليمايلريني ضبط ايدوب بكينه متوجهاً يورودكلى كچي اوچنجى قول عسكرده «واي هاي واي» ليمايى ضبط ايله بكينه طوغرى عازم اولدى . بو حالى كورن اختيار چين ؛ صبي ژاپونيانك او كنده ديز چو كهرك «اي والله» ديمكه مجبور اولديني زمان اوروپادن و آمريقادن دهشتلى زرهليلر ايچنده دعوتسز مهمانلر ، انسانيت حاميلري ، حقسزلق داعيلري ، باره طامعلرى يتيشوب غالب ژاپونياه عسكريني كرى چكمنى تكليف ايتديلر . كچه ژاپونيا ، ابدى او يومغه عزم ايتمش اختيار چيني كو كرا كندن اوروب ايلرو يوروميه چكى معلوم ايدى . لكن حقيقته قارشى بويون اكن چينه حين مقاوله ده كندى مسلكى اولان وانتباه چيني مؤدى بولنان امور و احوالك صورت واسعه ده اجراسنى شرط قويه حق ايدى . ايشته بوقدر بيوك فداكارلقلره ، بوقدر قهرمانلقلره ، غلبه لرله قزانديني موفيتدن صكره ژاپونلر كندى مسلكلريني واسع بروغرامله چينك اليه ويرمك زمانى كلكده ؛ دعوتسزلر مقاوله يه اشتراك دعواسى ايدوب مصالحه يه اشتراك ايدو چكلىريني تكليف ايتديلر ، آنلرك بوتكليفلى هر نه قدر ژاپونلرك شان غاليتلرينه دوقونديسه ده ژاپونلر اوروپانك بش آلتى حكومتيله ده بوزوشمهي موافق مصلحت كورمدكلرندن آنلري مصالحه و مقاوله يه تشرىكه موافقت ايتشلردى .

صلح مشاوره سنده روسيه ديپلوماتلري چيندن طرف چيقديلر ؛ ديكر حكومات ديپلوماتلري ده ژاپونيانك فائده و منافعي كوزمه ديلر ؛ توالتي صيق ، صيق تبديل ايمهي عادت ايدمش ژاپونيانك دوست همشردسى انكلتره كچه بعض ماده لرده ژاپونلر طرفنده اولديسه ده بو خدمتك مكافاتيچون آرمصرفه مال اولمايان توال مصرفى در خاطر ايتديرمكده و باشقه ديپلوماتك ده خرج راه خاطر دن لسانه گله يه حاضر ايدى .

او وقتلر روسيه نك اركان حكومت رجالى دماغنده روسيه نك بحر محيط كبرده حكومت حاكميه نفوذى قازانمق خيال وواهمه سي غالب ايدى . بو خيالى فعله قويمايه موسم شتاتك اكثر كونلرنده بوزلره مستور اولان روسيه نك «ولادى ووستوق» ليماي لزومنه خدمت ايدمه يه چكى معلوم اولديغندن ، چينك جنوبى ليمايلرندن هر وقت آچيق اولان بر ليماي ضبط ايمك خيال مذكورك ايجابندن ايدى . بوواهمه نك باشليجه مروجى ، روسيه ده سياسيون رجال دولتن معدود او وقت ماليه ناظرى اولان «ويته» جنابلى ايدوكى سويله نمكده ايدى . روسيه حكومت رجالك عقلايى بويولده ده

صورتا غالب ، معناً مغلوب ژاپونیانك عزت نفسی سكهته دار اولوب چار ناچار اختیار والده حضورندن چكیلمكه محكوم اولمشدر .

ایشته بو کیفیتده چین و ژاپون آره سی حل اولنوب حل اولنیان مسئله قاضیلرك حصه سی ایدی . بو مسئله ده قاضیلرده پك چابوق آكلاشدیله ، آنلر یاغلی پارچه لری حصه لرینه آیردیله : روسیه لیاؤتونده یرلشدی ، قوره یه آچیق یول بولدی ، ژاپونیانك دوست همشیره سی انكلتدییه وای های وای لیانی ، المانیایه « کیوچیو ، فرانسه تونکین ده تا کیدلندی ، ایتالیا دوستلرینه ده معاونت اولندی ، آمریکا مانچورییه یی تجارت ایچون آچیق ایتمه یی معاهده یه قیدایتیدردی . بو حالدن طبیعی ژاپونیا ممنون دکلدی . اونك کنسیدنی مظلوم عد ایده چکی معلوم ایدی .

قارئین کرام ، « چین دیپلوماتی لیخونف چانغ بوکی بولتیقه اتخاذیله ایچون چین اراضیسی فرنگلر حصه سینه دوشوردی ، بوایه چین دولتیچون مادی ضرردن ماعدا چینك شاننی سكهته دار ایتمك دیمكسدر » دیه جکلردر . ظاهراً بویله کورولسه ده لیخونف چانغ بو تدبیری حال وزمان اقتضاسندن ایدی ، لیخونف چانغك یكانه مرادی چینك انتباهی اولوب اهالی چینك منافع ملت ودولتی حمایه یه مقتدر حاله کلسی ایدی . بو جهتدن او ، چینك ترقیسی جان و دلدن ارزو ایندیور ، چینك ترقیسی ایسه بوکی شدتلی درسلدن صکره مملکتك آسایشی اولوب آسایش ده اوروپالیله لقمه آتوب تسکین ایدلمه دجه ممکن دکل ایدی . چینك ترقیسی ایچون لیخونف چانغ اوروپا اصولی مکتبلر آچق ، چین اهالیسی ژاپونلر کی حرکته کتورمك ، اصلاحات یامق ، چینلرک قسانوب یالماقدن عبارت اسکی عادتلرینی سلب ایتمك طرفنده اولوب بو خصوصیه چینك کنج ایمبراطوریه هم افکار اولمشدر .

لیخونف چانغ چین ماندارینلرینك بیوکلرندن واسکی زادگانلردن اولوب ترقی طرفداری اولان کنج ایمبراطورك قاین پدری اولمشدر . وپك چوق و قتلر حکومت باشنده بیوکل مأوریتلرده بولنوب بتون مقصدی ، بتون فکری ، چینی تسلط اجانبیدن قورتارمق اولمشدر . او و قتلر چین مأمورلری ایچنده کنج ایمبراطورك ولیخونف چانغك مقصدینی ، فکرینی فهم ایدنلر پك آزاولوب بوفکرندن ناشی لیخونف چانغه فرنك طرفداری وطن خائی نظریله باقوب بروقت آنی خائن وطن طوتوب بتون رتبه و نشانلرینی سلب ایدنلرک امور حکومتدن تبعید ایلشلردی . کنج ایمبراطوری ده زمام امور حکومتدن ال چکدیروب امور حکومتی اختیار ایمبراطوریه کندی ید اداره سینه آلوب کنج ایمبراطوری سرایده شدتلی کوز قاراغولنه آلمشلردی . وقتا که چین - ژاپون محاربه سنده چینلرک خلاف فرض اوله رق ژاپونلر چین عسکرینی پریشان ایتدیله ، چینلر امان چاغیروب صلح ایسته دیله . ژاپونلر صلح و مشاوره سیچون ، چین طرفندن لیخونف چانغ تعیین ایدلماکی تکلیف ایتدیله ، اوزمان اعتدال دمنی غائب ایتش چین حکومتی معزول لیخونف چانغه التجایه مجبور اولدی . لیخونف

چانغ ایسه ایچه امتناع دن صکره بوفوق المعاده سفارتی قبول ایلمشدر . بوایه لیخونف چانغك یكانه مقصدی اولان چینك انتباهی اساسی قورلمش دیمکدی .

کرچه چینك انتباهی مسئله سنده لیخونف چانغ ژاپونلرله هم افکار ایسده آنك اصل اساس بولتیقه سی ژاپونلری مستولی بر قوم اجنبی طنائیق اوزره قورولمشدر . لیخونف چانغ چین و ژاپون صلح مشاوردسنده بر مقدار فداکارلرده بولمش ، چین طوبراغسندن بر مقداری اجانبك تصرفه کچمسه روی موافقت کوسترمشد .

(مابعدی وار)
سیریا : زیسان (چین حدودنده)
ولی الله انوری

خدیه عباس حلمی پاشانك بیاناتی

تان غزته سنك مصرده بولان مخبر مخصوصی موسیو ژان رودك منسوب اولدینی غزته یه کوندردیکی مکتوبك طنین رفیق مزده منظور من اولان ترجمه سی بوجه آتی نقل ایدیورز :

خدیه مصرک رفقای تحریریه مزدن موسیو رنه بولیویه بوندن ایکی سنه اول واقع اولوب شو صحیفه لر اوزرینه نقل ایدیلان بیاناتی کرک مصرده ، کرک بوتون اوروپاده بویوک بر تأثیر حاصل ایلش ایدی . افادات واقعه خدیوک پك مشکل برموقعده بولندینی زمانلره تصادف ایتشدی . اوزمانلرده لورد قرومرک متحکم و شدید بولتیقه سی خدیوک موقعی اوقدر اشکال ایدیوردی که بر آره لق مشارالیهک استعفا ایده چکی لقریسی بیله اورته یه چیقدی .

بیانات مذکوره اثناسنده خدیوک لقریدلرندن ترشح ایدن آچیلق شایعات مبعوثه یی تأییده خدمت آلیوردی .

فی الحقیقه یا کندیسنك ترك موقع ایتسندن یا خود انکلیر مأمورینك عودت ایلسندن باشقه برچاره یوقدی . مسئله ایکنجی صورت تسویه ایله نهایتلندی ، یعنی لورد قرومر استعفا سی ویردی .

مایدیورران فرقه سی ، کندیسنك کنج رئیس ومؤسس اولان مصطفی کامل پاشانك تشویقی سایه سنده انکلیر اشغالنه قارشى معارضات شدیدیه خدیوک افادات واقعه سی اوزرینه بوسبوتون کریمی ویردی . او وقت خدیو ، مصریلری مدح ایتدکن وبونلرک اوروپا مدنیتی تمثیل ایتدیرمك خصوصنده کوستردیکی ذکای لسان ستایشه یاد ایلدکن صوکره بوجه آتی اداره کلام ایلشدی :

— شرقده جاری اولان اصوله تطبیق حرکتله اقتدار ونفوذ شخصیمک توسیع وتقویه سسینه چالیشدیغم ادعا وتأمین ایدیایور . بوکا جواباً سزه شونی سویلیه یم که بن اوروپاده تربیه ایدلدم . وبر مملکتك تأمین منافعی ایچون حکمدارله ملتک برابر چالیشمسی لزومنی شدتله حس ایلدم . اگر بنم مقصدم غرور و آمال شخصیه مک ترویجنه خدمتدن عبارت اولسه ایدی اون بش سنه لك مدت حکومتم غیر قابل تحمل بر اضطرار بدن باشقه بر شی اولزدی .

خدیه بو لقریدلرینه آتیده کی کله لره خاتمه ویرمشدی کی بونلر بوکون بیله پك معنیداردر .